



永平  
道元和尚廣錄卷之二

和書門			
五	〇	七	八
冊	架	函	號

庫文閣内		和
五	一	書
〇	七	
六	八	
架	冊	號

内閣文庫	
番號	和 17786
冊數	5 ( 2 )
函號	193 424





淺草文庫

和學講談所

永平寺語錄卷第三

侍者

懷辨

編

懷鑒首座為先師覺寔道人請上堂拈香罷就座  
 取拂子曰前來之孝順誰人齊肩今日之回向聖  
 靈炳鑒弟子仰先師之深志先師獨知先師憐弟  
 子之慈悲弟子一識餘人焉知外人未及所以道  
 不可以有心知不可以無心得不可以修證到不可  
 以神通測到這田地如何商量卓拄杖曰唯有拄  
 杖々々常知拄杖為甚々々常知職由過去諸佛

也。怎麼現在諸佛也。怎麼未來諸佛也。怎麼雖然如是。這箇是佛祖邊。事作麼生。是知恩報恩底道理。良久曰。哀哉。昔日一團空。惱亂眼花。大地紅血。淚滿胸。向誰說。只憑拄杖。善流通。這箇是知恩報恩底。句作麼生。是佛祖向上。事擲下。拄杖於階前下座。

上堂曰。記得法眼。一日坐次。忽指面前簾子。時有二僧同去。卷法眼曰。一得一失。師曰。永平不怎麼。道良久曰。開池不待月。池成月自來。

上堂曰。達磨九年垂一則語。直至如今。諸方賺舉。欲不賺舉。麼永平為汝諸人。再舉鉄圍。遠外須於處中。恰好相宜。怎麼舉了。還得不賺舉。麼良久曰。玉女喚回。三界夢。木人坐斷。六門機。下座。

上堂曰。天下太平。鉢盂處々喫飯。萬姓安樂。露柱時々開花。所以迦葉微笑。破顏慧可禮拜。得髓直饒到這田地。更參三十年。所以者何。不登太山。不知天之高。不涉滄溟。不知海之闊。若是箇漢。納天地於一粒粟中。置大海於一毫頭上。花藏界常寂光。

盡在眉毛眼睫之上且道這人在什麼處安身立命還委悉麼良久曰山川磨破草鞋底到了方知被眼瞞

中秋上堂曰天上月圓如古鏡開人間月半如世界闊暗卷也二千三千明舒也七通八達七佛眼晴笑哈哈雲門餠餅鬧聒々還到如是田地還能如此遊踐也無良久曰明々百草幾多地諸處蟾蜍活鱖々

謝新舊維那知客上堂曰頂門具眼所以照徹於

十方直指無私所以不蔽於一曲打開摩竭閔楨拈却少林古機接客而漏泄天機舉槌處佛祖乞命不是神通妙用亦非法爾如然且據箇什麼道理良久曰從來標致雖清拙大丈夫兒合自由上堂曰記得僧問投子如何是一大事因緣投子曰尹司空請老僧開堂師曰若是永平則不恁麼或有人問如何是一大事因緣只對他道早朝喫粥午時飯健即經行困即眠上堂曰記得僧問岩頭古帆未掛時如何岩頭曰

小魚吞大魚要會這則因緣聽取永平一頌小魚  
吞大魚和尚讀儒書透出佛魔綱法塵也掃除  
上堂曰今朝九月初一拈出蒲團坐禪不是箇中  
欵起亦非五日齊前兀兀思量匝地茫茫業識弥  
天雖然怎麼還要委悉向上関挨子也無良久云  
朝打二千暮八百當機切忌錯流傳

上堂云記得僧問古德深山巖崖還有佛法也無  
德云石頭大底大小底小先師天童道深山巖崖  
問石頭大小谷崖崩石迸裂虛空鬧聒々師曰兩

位尊宿雖恁麼道永平更有道理忽有人問深山  
巖崖還有佛法也無向他祇對虛空消殞頑石點  
頭雖然猶是佛法邊事畢竟如何擲下拂子下座  
上堂曰作家須具六神通所謂一者神境通二者  
天耳通三者他心通四者宿住通五者天眼通六  
者漏盡通諸人要見神境通麼師豎拳頭要見他  
心通麼師垂下足要見天耳通麼師鳴指一下要  
見宿住通麼師豎拂子要見天眼通麼師以拂子  
打一圓相要見漏盡通麼師以拂劃一劃曰雖然

怎麼畢竟六々三十六

上堂舉大證國師試驗大耳三藏因緣了師乃曰  
這一段因緣多少人拈來有僧問趙州曰大耳三  
藏第三度不見國師在處未審國師在什麼處趙  
州曰在三藏鼻孔上僧問玄沙既在鼻孔上為什  
麼不見玄沙云只為太近僧問仰山曰大耳三藏  
第三度為什麼不見國師仰山曰前兩度是涉境  
心後入自受用三昧所以不見海會端曰國師若  
在三藏鼻孔上有什麼難見殊不知國師在三藏

眼睛裡玄沙徽三藏曰汝道前兩度還見麼雪竇  
顯曰敗也敗也遮五位老人未會遮一段因緣在  
若是永平即不然而今國師現在欲試驗三藏國  
師向三藏道汝道老僧即今在什麼處代三藏道  
即辰季秋霜冷伏惟和尚法候動止萬福  
上堂舉世尊在世有二比丘欲詣佛所二人俱渴  
路見蟲水一人不飲蟲水渴死生天見佛得道一  
人飲水後至佛所佛問其故已脫憂多羅僧示黃  
金身曰汝是癡人用觀是四大身為我幻成真處

其見法者即見我身師曰天比丘見佛法身人比丘  
見佛四大身未審佛比丘見箇甚麼良久曰欲觀  
其師先觀弟子畢竟如何師合掌唱曰南無佛陀  
耶南無佛陀耶

上堂曰七佛已前事嵩山安和尚燃燈佛授記南  
嶽讓禪師畢竟作麼生若言心眼同時證未免朦  
朧在夢中

開爐上堂曰掘地覓天日面月面撥波求火徹底  
通紅掀翻臨濟赤肉團勘破雪峯古鏡闕更燒丹

霞木佛百鍊陝府鉄牛管取寒灰再煆且歸煖處  
商量

上堂曰夫學道者道心為先參玄高士聚頭當山  
山遠谷深至不容易航海而來梯山而到非履平  
道心難到之田地也米白由來糟糠先去箇孤絕  
境好辨道所在也但恨主人元少相待雖然如是  
溪乃晝聲夜聲兮落便宜干運水山又春色秋色  
兮得便宜干搬柴且希雲水以道為念記得僧問  
首山一切諸佛皆從此經出如何是此經山曰低

聲低聲僧曰如何受持山曰切勿不得滌汚或有問  
永平如何是此經祇對他道若喚作此經眉鬚墮  
落如何受持曰夜間背手摸枕子  
上堂曰出西夫入東土雲從龍風從虎一任諸方  
點頭舉拂子曰只如順行三千逆行八百又作麼  
生商量若商量得穿過七佛鼻孔燦破諸人眼睛  
商量不得唯有衲僧無底鉢依前盛飯又盛羹  
上堂曰教中道一切賢聖皆以無為法而有差別  
有人若問作麼生是差別法向他道總涉差別便

不是了也作麼生是無為法對他道差別智難明  
畢竟作麼生是這箇道理長連牀上有粥有飯  
因雪上堂曰宏智古佛住天童上堂有僧問雪覆  
千峰時如何宏智曰滴水凍僧曰清光寒照眼  
野色皓迷家宏智曰露地白牛向甚麼處去僧曰  
在宏智曰又是頭角生也僧曰畢竟向甚麼處去  
宏智曰底處轉身時孤峰元不白師云若有問永  
平雪覆千峰時如何對他道不過此色露地白牛  
向甚麼處去對他道鼻孔兩邊穿畢竟向甚麼處



去對他道晝夜和同日月明虛空年老眉毛白  
上堂曰永平老漢二十年前一頓痛拳與諸人个  
也諸人還知麼若也知得露柱證明木杓同參若  
也未知拂子跳上築着梵夫鼻孔拄杖出來勞慰  
老漢婆心畢竟如何雲在青夫水在瓶  
上堂舉百丈野狐話因緣了曰前百丈不落因果  
因甚麼墮野狐身後百丈不昧因果因甚麼脫野  
狐身師自曰耐耐野狐變性搖頭擺尾休休  
冬至上堂曰宏智古佛住天童冬至上堂曰陰極

而陽生力窮而位轉蒼龍退骨而驟玄豹披霧而  
變要將三世佛髑髏穿作數珠子一穿莫道明頭  
暗頭真箇日面月面直饒你斗滿秤平也輸我賣  
貴買賤諸禪德還會麼盤裡明珠不揜自轉舉雪  
峰問僧甚處去僧曰普請去峰曰去雲門云雪峰  
因語識人宏智曰莫動着動着三十棒為甚如此  
皓玉無瑕彫文喪德師曰且問大眾遮箇宏智古  
佛道永平老漢道若道宏智古佛道一陽長至應  
時慶祐若道永平老漢道未免與永平老僧同參

既是如此，大眾要見一陽長至，麼擲下拄杖曰：「一陽佳節，伏惟大眾居起萬福。」

上堂曰：「參學人，須知邪正，所謂優波毘多，已後稱五部之佛法，乃西天之陵替也。青原南嶽已後，擅五家之宗風，乃東地之訛謬也。况乎呼佛法稱禪宗，古佛曩祖之代，未嘗得見聞也。未嘗得有在也。今稱禪宗，實非佛法。佛法豈稱禪宗者乎？若稱佛法為禪宗者，舌盡墮落，初心晚學，不可不知測知。號禪宗之學人，非釋尊之遺弟矣。記得僧問雲門：

兼古有言，牛頭橫說，豎說未知有向上。問：「拈子如何是向上？」問：「拈子門曰：『東山西嶺青，或有問永平如何是向上？』問：「拈子，祇對他道：『帝釋鼻孔長三尺。』上堂曰：『記得陳陸州，因有僧來參州。』曰：『汝豈不是行脚僧？』曰：『是州。』曰：『禮佛也。』未僧曰：『禮那土壤作麼州？』曰：『自領出去。』師云：『陳尊宿放去，太奢。收來太儉，雖是逢人露膽，和泥合水，何不與他本分草料？』這僧恁麼去也。是杓，卜聽虛聲。」

上堂曰：「記得雲門上堂示眾曰：『和尚子，直須明取。』」

衲僧鼻孔始得且作麼生是衲僧鼻孔乃曰摩訶般若波羅密今日大普請便下座師曰雲衆水衆直須明取衲僧鼻孔始得且作麼生是衲僧鼻孔乃曰摩訶般若波羅密且作麼生是摩訶般若波羅密乃曰運水搬柴且作麼生是運水飲者皆死且作麼生是搬柴擔者有力

上堂曰夜來三世佛箇箇落在永平窟裡面々搬米入庫堂典坐得米煮粥行僧堂兄弟喫粥个也未乃云喫粥个也喫粥个也粥是喫得洗箇鉢盂

也未鉢盂未曾洗且作麼生未曾洗良久曰鉢盂無底未曾洗敵勝瞿曇親授記

上堂曰學道須知道得道不得諸人知得道得也未若也未知應當辨取諸人道處如何未道舉俱眠和尚一指頭禪了師乃云其後俱眠和尚廣為人天說法橫說豎說終無礙滯或有問佛便道佛或有問道便道道乃至問黃道黃問黑道黑加以俱眠說一代藏教已三十六遍說八萬法蘊八十一遍七佛如來得俱眠處分而說法度生二十八

祖得俱眠處分而說法度生諸人要相見俱眠老  
漢麼豎起拂子曰看要聽俱眠老漢說法麼以拂  
子擊禪床曰聽麼既與俱眠相見了聽俱眠說法  
也雖然如是莫向指頭開口長舌  
上堂曰非但曹谿無西天竺亦無會佛法人得和  
尚還不得露柱是古佛燈籠新如來這箇是長連  
床上學得底向上又如何良久曰將謂胡鬚天下  
赤元來更有赤鬚胡  
臘八上堂曰瞿曇老賊入魔窟惱亂人天狼籍時

打头眼睛無處覓梅花新發舊年枝

謝新舊監寺典座上堂糴得州中黃米來柴頭帶  
火上山隈風雲感會龍得水功德圓成眼豁開  
上堂拈拂子示衆曰且問大眾遮箇拂子從甚麼  
處來記得明招到泉州坦長老處坦曰夫參學一  
人所在亦須到半人所在亦須到招便問一人所  
在郎不問作麼生是半人所在坦無語後却令小  
師問招曰你欲識半人所在麼也祇是箇弄泥團  
漢師曰若是永平郎不然或有問作麼生是半人

所在只對他道七佛未免在僧堂裡初夜開被後  
夜摺被

上堂記得雲門問曹山曰密之處為甚麼不知有  
山曰祇為密之所以不知有若是永平或有問密  
密處為甚麼不知有祇拈拂面打了而問他是  
知有是不知有他擬道又打一拂子

元日上堂見色明心釋迦老子翻筋斗聞聲悟道  
達磨祖師擎鉢盂十五日巳前靈山話月十五日  
巳後錦上鋪花這箇未免言端語端又且如何逢

入為人良久曰精金不百鍊爭見光輝至寶不酬  
價爭辨真假當怎麼時作麼生孟春猶寒伏惟大  
衆尊候居起萬福

正月十五日上堂富於萬德滿園木杓崢嶸蕩於  
纖塵禪板倚子體會拈起也玲々瓊々千差萬別  
之歷々放下也灑々落々十方三世之明々且道  
作麼生行履得恁麼相應去還委悉麼良久曰清  
白家風梅雪月花時幸有護身方雲明水悅功圓  
滿不覺渾身入帝鄉

上堂拈一機，通透千機，萬機演一句，流布千句，萬句不假古佛家風，全彰自己，巴鼻既得，恁麼行棒也。棒殺一千箇，百丈野狐窟，放喝也。喝散三萬箇，雪峰獼猴隊，這箇不止無生法，忍還教永作轉妙法輪，直得到這田地，須知向上一路如何，是向上一路，還要委悉麼。良久曰：少林妙訣，父子不傳，飢冷渴飲，健坐困眠，直下會得此土西天。

上堂，曩祖石頭大師上堂曰：吾之法門，先佛傳受，不論禪定精進，唯達佛之知見。師曰：且問大衆作

麼生。是石頭道：底箇佛之知見，卓拄杖一下曰：上來無限，勝因回向佛之知見，令佛之知見喫飯，着衣，倚屎送尿，辨道于雲堂裡，功夫于長連床，永平門下，又且不然。我若坐時，汝須立；我若立時，你須坐。若也齊坐，齊立，一俱瞎漢。所以洞山排五位，君臣臨濟列四種賓主。門內底堆地坐，欲出終出，不得門外底波地走，欲入終入，不得彼々不相知，彼々不相到。余為你，我不妨各守其封疆，若忽然四方易位，互換主賓，在途底不離家舍，在

家底不離途中，个底郎是我底，我底郎是尔底，可謂彼  
此一家主賓齊力，恁麼見得更有二途，俱不涉，四  
句莫能收底，還向甚底處與伊相見，卓拄杖一下，  
曰：且歸堂裡商量。

上堂夾山因僧問：揜塵見佛時如何？山曰：直須揮  
劍，劍若不揮，漢父栖巢。師曰：若是永平，又且不然。

或有入問：揜塵見佛時如何？祇對他道。不勞懸石，鏡天曉自

鷄鳴喫飯喫茶，出入同門。

上堂一九二九相對相逢，疑著道著，春雨春風黃

檍，禪師吐舌。玄沙和尚揚眉，設使超佛越祖，未免  
自西自東。若據永平門下，殊有衲僧長處。大衆要  
委悉，衲僧長處，麼良久曰：窓前潛綻，含春梅撮得  
却，壺空裡月。

上堂舉洞山因僧問：如何是沙門行山？曰：頭長三  
尺，頸長二寸，有僧舉問歸宗，權和尚只如洞山，意  
作麼生？權曰：封皮厚二寸。師曰：今日若有人問永  
平洞山，意作麼生？祇對他道：半穿鼻孔，一定五尺。  
涅槃會上堂，雙林不假，東君力雪後焉，知半夜霜。

拈轉虛空橫世界如來兩度放毫光雖然如是誰  
道喪身失命不愛坐脫立亡七佛鉢盂沒底衆生  
災殃荒唐若道滅度非弟子道非滅度言未當既  
到今日又作麼生要見如來命脉燒香禮拜歸堂  
上堂僧問趙州狗子還有佛性也無州曰有又僧  
問狗子還有佛性也無州曰無這一段因緣參學  
有箇道理且作麼生是道理還要委悉麼良久曰  
佛性巴鼻有狗子一角無未免入皮袋猫兒生狸  
奴

上堂千花開五葉萬鳥啼三春此是第一句佛是  
已躬做法非別人付此是第二句啞字喫飽最苦  
張公喫酒酪酏此是第三句不涉三句又作麼生  
拍々元來渾是令哩嗚囉了邏嗚稜

上堂三世諸佛在火燄裡轉大法輪天下老和尚  
在露柱裡轉大法輪永平老漢在拄杖裡轉大法  
輪還會麼若也未會拄杖子橫說豎說重說卓柱  
杖一下

上堂此千百億化身經一拄杖運水搬柴供養蒲



團數諸佛於拂子頭上同時得阿耨多羅三藐三  
菩提同號曰破木杓如來應供正遍知明行足善  
逝世間解無上士調御丈夫天人師佛世尊國名  
土塊劫名拳頭正法像法同十二時佛壽如二千  
大千世界乾屎橛諸人還會麼若道會將錯就錯  
若道不會五戒也不持

上堂記得玄沙示衆曰常將汝等諸人向頂顛上  
不敢誤錯一絲毫師曰玄沙恁麼只知月色和雲  
白不覺松聲帶露寒且道永平意作麼生集履

歸葱嶺久而今休更問來端

上堂舉拄杖曰諸法之至極橫拄杖曰佛法之源  
底這裡轉聖諦法輪所謂苦諦集諦滅諦道諦作  
麼生是苦諦森羅萬象捲在這一椀茶裡作麼生  
是集諦瑞雲光璨爛作麼生是滅諦健即坐禪因  
即眠作麼生是道諦大道通長安這箇是應化佛  
邊事向上又如何要見向上苦諦麼卓拄杖一下  
要見向上集諦麼卓拄杖一下要見向上滅諦麼  
卓拄杖一下要見向上道諦麼卓拄杖一下這箇

雖是佛祖向上事且道永平意作麼生卓拄杖兩下

上堂燈籠上走馬未免弄影弄光露柱裡藏身還是依草附木直饒道不為萬法為侶不願萬法之圍遶正使道說似一物不中不覺一物之猶在左轉右轉也自東自西行棒行喝也隨他相隨只如獨脫一句作麼生道良久曰煙村三月雨元是一家春

上堂舉黃龍和尚示眾曰菩提離言說從來無得

人須依二空理當證法王身且道何名二空理人空法空內空外空凡空聖空一切法空二空之理捨為諸人說了也且道何名法王身四大五蘊行住坐卧開單展鉢僧堂佛殿厨庫二門無不是法王身若能於此薦得乾坤大地日月星辰穿過你諸人眼睛四大海水流入你諸人鼻孔方知釋迦彌勒授記但是虛名臨濟德山棒喝權為假道以拂子擊禪床下座師云黃龍祖師雖恁麼道永平又且不然良久曰瞿曇授記如無實那證二空法

王身  
上堂曰點時不到皂白未分到時不點和泥合水  
不管露柱踣跳入拄杖裡為甚你諸人鼻孔在面  
上於斯薦得其鞭于瀉山水牯牛若也未明什麼  
魔魅教你出家什麼魔魅教你行脚速道速道  
上堂以本際光洗長夜暗當怎麼時人々耳裡一  
擊兩擊塗毒鼓以法性智破塵劫疑當怎麼時箇  
箇鼻孔百蕪干蕪返竟香怎麼行履作麼生道取  
良久曰鉄牛頭白戴三角石女壯年帶百媚

浴佛上堂舉宏智禪師住天童時今日上堂曰清  
淨性空水光明法界身依佛辦自處便是誕生人  
不洗鉢不洗塵妙觸宣明悟水因借問當年向去  
事何如今日却來親主二千年前此時候指天指地  
獅子吼雲門居乱思太平打殺不妨將餒狗指東  
話西將無作者惡水潑君好莫瞋而今看你如何  
受佛曰不受諸受是名正受若怎麼也消滴不落  
別處師曰宏智古佛雖怎麼道永平更有道取作  
麼生是誕生底道理良久曰萬象之中脫体自有

生緣一色之後轉身親見活路作麼生是灌沐底道理良久曰手執自家破木杓澆頭灌沐如來身上堂曰記得大唐杭州徑山大覺禪師道欽因馬祖令人送書到書中作一圓相欽發緘於圓相中作一畫相却封回忠國師聞乃曰欽師猶被馬師惑師曰永平今日看他國師馬師欽師三人落在同坑教他出坑得也無若出坑得恐是他喪身失命若出坑他不得豈稱善知識到這田地如何行履始得良久擲下拄杖下座

結夏上堂掘空平地搆鬼窟臭惡水雲撥潑天混雜駢牛兼佛祖自家鼻孔自家牽且道如何二千年前旧公案今日舉揚良久曰銅頭鉄額更修鍊木杓土塊拍手笑  
上堂入水不避蛟龍漢父之勇也陸行不避虎兕獵夫之勇也白刃臨前視死如生將軍之勇也且作麼生是衲僧之勇良久曰開單打眠展鉢喫飯鼻孔裡出氣眼睛裡放光還知有向上事麼飯飽快活厨一堆超過瞿曇親授記

上堂釋迦牟尼佛大和尚在菩提樹下坐金剛座見明星悟道曰明星出現時我與大地有情同時成道且問大衆大地有情怎麼道釋迦老子怎麼道大衆道不得永平却道得卓拄杖一下曰這箇是長連床上學得底向上還有道麼又卓拄杖一下不涉這兩途又作麼生道良久曰僧堂前與你諸人相見了也

上堂日面月面粥足飯足漢來漢現飽柴飽水廬陵米山前麥初祖不來東土二祖不往西天箇箇

壁立萬仞人々鼻孔在前卓拄杖一卓下座  
端午上堂舉宏智古佛住天童時今朝上堂曰五月五日天中節百草頭上看生殺甘草黃連自苦甜人參附子分寒熱薰蕕難味雙垂爪滋味那瞞初偃月圓明了知心念閑摩訶迦葉能分別諸禪德分別底是意迦葉尊者久滅意根圓明了知不更心念且作麼生得恰好去人平不語水平不流師曰宏智古佛怎麼道永平兒孫且作麼生是道人平不語不妄語不誑語不異語不是無語無二

種語且作麼生是道水平不流大海若知足百川  
應倒流

上堂有問如何是佛師曰畢竟礙當生別得非擇  
滅曰和尚莫以小乘法示人師曰吾不以小乘法  
示人曰如何是佛師云畢竟礙當生別得非擇滅  
師乃曰天未為高地未為厚山河日月無備礙處  
處光明處處透波斯騎白象而入佛殿耶鄴帶赤  
脚而巡僧堂因甚道理還得如斯良久曰明月隨  
入如有以白雲行雨本無心

上堂夫說法者直須應時應節若不應時終是非  
時閑語還有應時應節底也無良久曰日本國裡  
說禪必定是威音已前空王那畔不與黃梅齊肩  
不熟青原前後雖然恁麼未免傍觀罵永平道咄  
哉這箇山蠻子祇管會說野狐禪  
上堂記得趙州因僧問十二時中如何用心州曰  
你被十二時使老僧使得十二時你問那箇時師  
曰趙州雖恁麼道永平到箇裡又且如何你被十  
二時使許你會祖師禪老僧使得十二時許老僧

會如來禪。這箇是超佛越祖底道理。作麼生是佛  
祖屋裡底道理。良久曰。鉢盂開口喫飯。  
上堂曰。宏智古佛住天童時。上堂舉僧問淨果如  
何。是本來心果曰。犀因翫月。紋生角象。被雷驚花  
入牙。宏智云。不即不離。非取非捨。自東自西。誰上  
誰下。委曲也。順俗立功。驀直也。應真不借。且道。作  
麼生。体系還。會麼。珠中有火。若須信。休向天邊問。  
天陽師曰。兩位尊宿。雖恁麼道。永平而今亦不默  
止。或有入問。如何。是本來心。祇對他。道上天帝釋。

建勝殿。南海波斯進象牙。  
聖節上堂曰。天上古佛人間至尊。降誕闍浮君臨。  
萬國咸中興之業。鳳曆綿長。清四海之塵。龍圖永  
固。火瞻北闕之位。仰祝南山之壽。一句全提。還委  
悉麼。寶治天子。天申節。聖壽彌隆。億萬年。這箇是  
天下祝聖。句永平。臣僧又作麼生。道四海浪平。龍  
騷穩。九天雲淨。鶴飛高。  
解夏上堂。四月十五日握手。為拳。七月十五日開  
拳。作掌。中間一句字。超越兩頭邊。作麼生。是超越

底，一勾子眼皮綻，鼻孔穿，  
天童和尚忌上堂先師今日弄精魂，佛祖家風扇  
起雲惱亂婆娑多少恨，無明業識及兒孫。  
八月一日上堂記得趙州因僧問道，人相見時如  
何州曰：呈添器師曰：趙州古佛雖有逸群之作，且  
無平展之機。或有人問永平道人相見時如何，祇  
對他道：八月仲秋何處熱。

寶治二年戊申三月十四日上堂曰：山僧昨年八  
月初三日，日出山赴相州，鎌倉郡為檀那俗弟子說

法。今年今月昨日歸寺，今朝陞座這一段事，或有  
人疑著涉幾許山川，為俗弟子說法似重俗輕僧。  
又疑有未曾說底法，未曾聞底法乎，然而都無未  
曾說底法，未曾聞底法，只為他說修善者，昇造惡  
者，墮修因感果，拖磚引玉而已。雖然如是這一段  
事，永平老漢明得說得信得行得，大眾要會這箇  
道理，麼良久曰：耐耐永平，舌頭說因說果，無由功  
夫耕道多少，錯今日可憐，作水牛這箇是說法底。  
句歸山底，句作麼生道。山僧出去，半年餘猶若孤



輪處太虛今日歸山雲喜氣愛山之愛甚於初  
上堂記得阿難問迦葉師兄傳佛金襴袈裟外別  
傳箇甚麼迦葉召阿難阿難應諾迦葉曰倒却門  
前刹竿著大眾要會這箇道理麼良久曰喚應弟  
兄同一聲抽釘未了還拔楔倒却門前刹竿著今  
作誰家乾屎橛

上堂拍手投手二三四七之傳持知恩報恩百千  
萬億之建化巖畔老梅海上蟠桃一機歷々三昧  
塵々雖然如是嶽高雪釋遲木老春來緩為甚如

此還委悉麼老鶴夢月兮無影樹花蜂採春兮不  
萌枝

上堂舉世尊一日陞座文殊白槌曰諦觀法王法  
法王法如是世尊便下座北塔祚和尚曰文殊白  
槌報衆知法王法令合如斯會中若有仙陀客不  
待眉間毫相輝門人雪竇重顯禪老曰列聖叢中  
作者知法王法令不如斯會中若有仙陀客何必  
文殊下一槌師曰兩位尊宿雖與文殊同參未與  
世尊同參諸仁者還要知與世尊同參底道理麼

獅子吼音師字知法王之法一如斯會中俱是仙  
他客夏下文殊兩令槌  
上堂三世諸佛諸代祖師攬來天下以藏於天下  
擘破世間而出於世間得者箇閑快子時說得一  
尺行得一尺身非肉團心是牆壁眉毛春山但眼  
睛秋海碧百十三昧諸塵現無量法門萬像出  
浴佛上堂舉宏智禪師住天童時浴佛上堂曰清  
徹性空水圓明淨智身箇中不洗鉢直下了無塵  
有成佛有降神有彼岸有迷津哆々和々此其始

膠之綴々此其因恁麼時節釋迦佛惡水驀頭澆  
莫頃何頃念彼觀音力自然還著於本人諸仁者  
只如杓柄在衿手裡時作麼生不因一事不長一  
智師曰師伯古佛乃芙蓉之枝丹山之兒雖恁麼  
道永平兒孫因有一頌生時震動三千界道處廣  
開八萬門澆水驀頭無垢体一場懾懾弄精魂  
結夏上堂宏智禪師曾住天童結夏上堂曰凡聖  
通同共一家寂光田地看生涯而今選佛心空去  
因有立園開覺花禁足九旬看未舉步前處所護

生三月体不觸物底身心多身在一身中安居一  
身在多身中辨道所以道諸佛法身入我性我性  
同共如來合又曰以大圓覺為我伽藍若能恁麼去  
更有甚麼事且作麼生体悉得與如來合還相委  
悉麼莫與三界現身相坐斷十方明性空師曰宏  
智古佛雖與如來合而未與如來同安居永平今  
日與宏智和合與如來同參還委悉麼良久曰拈  
華微笑太乖張剛被瞿曇乱一場把手共行詣佛  
殿眉毛相結入僧堂

永平寺語錄卷第三終

永平寺語錄卷第四

侍者

懷辨

編

上堂夜半穿靴去偷得達磨眼睛天明戴帽來拽  
得西堂鼻孔一去一來譬如秋聲春聲半開半合  
宛如日面月面背手摸得松子分明手眼通身斷  
臂拜皇初祖唯獨傳法得髓雖然如是直須打開  
上頭閑挨子始得作麼生是上頭閑挨子良久曰  
拖却瞿曇經律論橫吹鉄笛奏梅引  
四月二十五日上堂罔悟禪師住雲居今日上堂

曰古者道結夏得十一日也寒山子作麼生又道  
結夏得十一日也水牯牛作麼生山僧即不然結  
夏得十一日也燈籠露柱作麼生若透得燈籠露  
柱即識水牯牛若識得水牯牛即見寒山子忽若  
擬議老僧在佢脚底圈悟老漢雖恁麼道永平今  
日試與諸人一々註破燈籠是一枚桶皮露柱是  
元來乾屎橛水牯牛這畜生多少喫常住苗寒山  
子謂你是俗漢若也不會永平在他圈悟頂上行  
諸人遂委悉這箇道理麼若也擬議諸仁者為甚

麼在永平拳頭裡做工夫雖然如是永平又道結  
夏得十一日也僧堂裡作麼生諸人試請道看若  
也未道永平與諸人道良久曰早朝喫粥齊時飯  
打板坐禪開被眠

上堂記得六祖投黃梅會在碓坊因五祖逮夜密  
自誚碓坊曰米白也否惠能曰白也未未自誚五祖  
於碓以杖三擊之惠能即以箕米三敲入室師曰  
且道諸人要與兩位古佛相見麼卓拄杖三下若  
有人道這箇是佛祖邊學得底作麼生是透脫底

道理卓拄杖三下，又有人道：猶是長連床上學得底作麼生？是不涉兩三段底道理。卓拄杖三下。端午上堂。宏智禪師。端午上堂。如前舉了。師良久。曰：五月五日天中節。百草頭邊見藥山。大小石頭談般若。音聲流布到人間。上堂記得。僧問：雲門如何？是透法身句。門曰：北斗裡藏身。師曰：雲門道也太煞道。祇道得八九成。或有人問：永平如何？是透法身句。祇向伊道。杓筭釋迦斗量達磨。

上堂記得。僧問：石霜佛性如虛空。如何？石霜曰：卧時有坐時。無今日永平試與諸人註破。如何？是石霜道。卧時有玉輪機轉。笑呵々々。如何？是石霜道。坐時無直下相逢。不相識。參。

上堂。却前機肘後。印用而無痕。空而有節。作麼生。是恁麼樣子。豎起無明業識。幢顛倒。拈來乾屎橛。上堂。生也無所從來。擔來又擔來。死也亦無所去。擔去又擔去。畢竟如何？心若不異。萬法一如。上堂。永平有時。入理深談。只要諸人田地穩密。永

平有時門底施設只要諸人神通遊戲永平有時  
奔逸絕塵只要諸人身心脫落永平有時入自受  
用三昧只要諸人信手拈得忽有人出來向山僧  
道向上又作麼生但向伊道曉風摩洗昏煙淨隱  
隱青山展畫圖

上堂記得南泉因陸大夫曰請和尚為眾說法泉  
曰教老漢作麼生說大夫曰和尚豈無方便泉曰  
他欠少什麼大夫曰爭為四生六道在泉曰老僧  
不教伊大夫無對師曰這山蠻子不下南泉三十

餘歲鬼魍魎遂得其便雖怎麼道若是永平或  
有人請和尚為眾說法向他道說來久矣他若道  
爭為四生六道在向伊道我這裡幸得一廁便了  
管他四生六道作麼

上堂登山頂到頂入海頂到底登山不到頂不知  
宇宙之寬廣入海不到底不知滄溟之淺深既知  
寬廣又知淺深一踢翻四大海一推推倒須弥山  
怎麼撒手到家人為甚麼不識雀噪鴉鳴栢樹間  
諸人要委悉麼良久曰觀樹經行三十七日明星出

現照雲漢，慧閑坐破金剛座，誰測吾家有壁觀。  
上堂舉僧問忠國師教中，但見有情作佛，不見無  
情授記。且賢劫千佛，孰是無情佛？耶國師云：如皇  
太子未受位，特唯一身取受位之後，國土盡屬於  
王。寧有國土別受位乎？今但有情受記作佛之時，  
十方國土悉是遮那佛身，那得無情受記？耶宏智  
古佛曰：刹中之佛處々現身佛中之刹塵々皆尔。  
還体悉得麼？良久曰：六國自清紛擾，事一人獨擅。  
太平基師曰：古佛既恁麼道，永平豈無道處？刹之

佛通身全身佛之刹法，尔不尔還体悉得麼？良久  
曰：主中之主々中主起境，越人立皇基。  
上堂磨塼作鏡，是功夫不々思量道，豈踈欲向那  
邊尋警地？又來這裡，蒲盧都且道：木衆永平與古  
人是同是別？試請道看。儻或未道，永平與諸人道  
良久，以拂柄擊禪床下座。  
上堂拈拄杖曰：橫拈倒用，撥開諸佛眼睛，明去暗  
來，敲落祖師鼻孔。當恁麼時，目連鷲子飲氣吞聲，  
臨濟德山呵々大笑。且道笑箇什麼？靠拄杖云：等

閑斜靠壁，依舊黑粼皴。

上堂：速裡是什麼所在，說着不得行着，不得入室，不得上堂，不得下語，不得入門，不得解脫，不得何階級之有。脩證即不無，高處高平是九山之與，須彌山低處低平，其八海之與大海向上不名道窟，直下無第二人。

天童和尚忌上堂：天童今日錯行脚，不往天台及五臺萬里哀哉，無寸草為山，舊主作牛來。上堂釋迦牟尼佛告人天曰：上之因緣，故生於南

洲。因緣故生於北洲，且問大衆作麼生，是下之因緣，屙屎送尿作麼生，是上之因緣，早晨喫粥齋時飯，初夜坐禪，半夜眠。

天童和尚忌辰上堂：天童今日翻巾斗，蹈倒馱胎，與馬胎狼藉一場，桶底脫洞，宗有託，祖師來。中秋上堂，以拂子打一圓相曰：這箇是什麼，這箇是第幾月，正是第二月何，但日面月面，超越明頭暗頭，喚作衲僧眼睛，得麼喚作諸佛眼睛，得麼喚作天上月圓，得麼喚作人間月半，得麼喚作古人。



看此月今人看此月如何古人心難與今人說得  
麼昨來永平打這箇作兩隻其一片落在秋水中  
船子和尚把得作鈎釣盡江海釣盡金鱗離鈎三  
寸教兒孫道其一片飛上暮雲端石鞏和尚響得  
為射鹿射自射一群鹿射半箇聖人雖然未知  
一射半射有活有殺或處作玉兔或處作碌塼永  
平雖怎麼道便是長連牀上學得底也打一圓相  
云若向這裡道又作麼生大衆還要委悉麼良久  
曰磨塼作鏡掛天邊人道中秋月一圓枉用功夫

誰不笑無明業識豈生緣

上堂古人曰世尊三昧迦葉不知迦葉三昧阿難  
不知阿難三昧商那和修不知乃至吾有三昧汝  
亦不知時有僧問未審和尚三昧什麼人得知古  
人曰真金不假火中試元勝精花徹底鮮師云古  
人雖怎麼道永平不怎麼道世尊三昧世尊不知  
迦葉三昧迦葉不知阿難三昧阿難不知商那和  
修三昧商那和修不知吾有三昧吾亦不知汝有  
三昧汝亦不知忽有人出來問為甚不知我對他

道來日大悲院裡有齊

九月初一上堂倚坐蒲團今思量箇非思量鼓弄  
精魂今奇恠魔魅魍魎住山老僧一口吞佛與衆  
生踏地獅子一捉得兔與猛象打碎來園佛坐佛  
之磨斃笑殺去三乘五乘之疑網切忌隨他悟道  
明心何怕渠儂顛倒妄想久拖直指單傳只是乘  
虛接響向來道理還要委悉得麼良久曰五葉花  
開却外春一輪月白曉天上

上堂直指人心拄杖即心是佛拳頭老婆心切為

汝無上菩提大休

上堂入海筭沙空自費力磨塼作鏡枉用工夫君  
不見高々山上雲自卷自舒何親何疎滔々澗底  
水隨曲隨直無彼無此衆生日用如雲水雲水自  
由人不尔若得尔三界輪回何處起

上堂人々盡握夜光之珠家々自抱荆山之璞若  
不面光返照其為懷寶迷那不見道應耳時如空  
谷大小音聲無不足應眼時如千日萬像不能逃  
影真若非聲色外邊求達磨西來也大屈

上堂心鳴耶是可空鳴若道心鳴實鈴鳴風鈴不  
鳴心不鳴如何喚作是心鳴  
上堂先來諸人間出世間雖道取依草附木是古  
佛身心未曾道取身受心法是祖師眼睛且道古  
佛身心祖師眼睛是同是別卓拄杖一下下座  
上堂來鴈遷鶩盡是祇園之佛專開花紅葉莫非  
少林之家風了得底人直是騎聲跨色超見越聞  
親與他合且道毘婆尸佛行履又作麼生良久曰  
動容揚古路不墮悄然機

上堂耶是身心非陰聚妙存卓々豈情緣無來無  
去應聲色還我翻中從入邊亡對待兮脚跟點地  
何生滅兮氣宇衝天雖然如是勿言殺佛終無果  
得佛由來實坐禪

上堂舉商那和修尊者問優婆塞毘多曰汝年幾耶  
答曰我年十七師云汝身十七性十七耶答師髮  
已白為髮白耶心白耶師曰我但髮白非心白耶  
毘多曰我身十七性十七也師曰永平想料二  
真尊者乃恁麼道然而喚什麼作真喚什麼作性

喚什麼作心喚什麼作髮一人喚性以作身一人  
喚心以為髮可笑一得一失雖然如是或有久間  
永平向來道理作麼生祇向他道貪觀春山秋山  
未免一彩兩賽  
開爐上堂先春桃李花開發衲子拈來作火爐暖  
處商量雖瞌睡可憐百丈枉功夫  
上堂舉玄沙道如今相紹繼盡道兼他釋迦我道  
釋迦與我同參汝道參阿誰會麼玄沙和尚雖恁  
麼道只慣捨父逃逝踰他國未參得汝安身立

命之田地亦未知今日有永平出世有道處永平  
如今為玄沙道若道釋迦與我同參必定參學他  
釋迦相紹繼他釋迦為甚恁麼要知麼良久曰非  
但玄沙並及一切佛祖元來落在釋迦窟裡踰跳  
上堂佛々授手祖々相傳且道傳箇什麼授箇什  
麼諸人若知落處三世諸佛諸代祖師當甚破草  
鞋破木杓若也擬議山僧在衲鼻孔裡當恁麼時  
又作麼生良久曰雖道永平山色妙前頭更有嶺高峯  
上堂學道須知大不容易是以臨濟二十年在黃

壁山而栽松杉然而未盡黃檗之意德山三十年  
在龍潭而勞巾篋然而未會龍潭之意深可憐愍  
深可憐愍雖然如是近日尋覓如臨濟德山之臭  
拳頭東西南北終不可得矣不見道五臺山頂雲  
蒸飯佛殿塔前狗屎天刹竿頭上煎餿子三箇胡  
孫夜斂錢兄弟若向這裡領略得便是二乘十二  
分教之意祖意西來又且如何還要委悉麼良久  
曰自家鼻孔自家穿向水心求火裡蓮參  
上堂舉南泉示衆曰江西和尚道即心即佛又道

非心非佛我不恁麼道不是心不是佛不是物又  
道心不是佛智不是道又道平常心是道師云二  
負老漢既恁麼道未平長老又不恁麼道吾且問  
於你江西南泉這裡是什麼所在說心說道說物  
說佛說非佛說非心須知一片全無兩箇十方獨  
露山川知覺不是道佛性亦因緣為甚如此選來  
喫飯錢畢竟如何良久曰胡蘆藤種胡蘆纏  
上堂山鬼窟作活計野狐精展神通弄得鉢盂有  
柄莫群萬象之中試請速道是誰家風良久曰子

湖一隻狗南山驚鼻地  
上堂身心脫落也不妨人認為本源法離斷常也  
猶有自錯說虛實所以道塵々見佛不謗佛利々  
聞經不離經要得靈山親授記石頭大小點頭來  
良久曰三十年後不得錯舉  
上堂鉢盂柄架沙角柱杖開花結實蒲團生根長  
芽釋迦當閔燃燈回路內外無身心古今無佛祖  
北方趙州和尚南方雪峰禪師相逢雖不識不識  
得相逢要躰遮箇道理麼良久曰無心道者能如

是未得無心也大難

冬至上堂宏智禪師冬至上堂陰極而陽生等師  
如前舉了乃曰宏智禪師既怎麼道永平更有道  
處今日成就第一微妙正法戒定惠解脫解脫知  
見生阿耨多羅三藐三菩提不退不轉雲門木馬  
嘶驟瀉山象馱通變三世佛鼻孔一線長被穿大  
小石頭長短木頭清天面寧地面納祐斗滿秤平  
行市買賣賣賤盤裡明珠自揜自轉作麼生魏々  
堂々萬像之中本主明々歷々百草頭上祖師

臘八上堂雪團打雪團打打得寒梅雪裡開天上  
明星地上木杓年々臘八先春來  
謝維那上堂無乳鉄槍轟霹靂當時擊破野狐禪  
今朝要得知端的太庾嶺頭臘月蓮  
謝監寺上堂舉玄則監寺丙丁童子因緣了師乃  
曰前來恁麼道也未會後來恁麼道却悟去且道  
大衆閃快子在<sub>レ</sub>那裏而今永平為<sub>レ</sub>謝<sub>レ</sub>泰監寺盡<sub>レ</sub>力  
而結<sub>レ</sub>一<sub>レ</sub>頭在<sub>レ</sub>良久曰丙丁童子來求火驀直逢<sub>レ</sub>煙  
且莫休弄得<sub>レ</sub>金星明歷々臘梅爛發<sub>レ</sub>舊<sub>レ</sub>枝頭

請<sub>レ</sub>監<sub>レ</sub>寺<sub>レ</sub>上<sub>レ</sub>堂<sub>レ</sub>靈<sub>レ</sub>山<sub>レ</sub>授<sub>レ</sub>記<sub>レ</sub>衲<sub>レ</sub>僧<sub>レ</sub>巴<sub>レ</sub>鼻<sub>レ</sub>少<sub>レ</sub>林<sub>レ</sub>得<sub>レ</sub>隨<sub>レ</sub>兒<sub>レ</sub>孫<sub>レ</sub>  
根<sub>レ</sub>蒂<sub>レ</sub>超<sub>レ</sub>舊<sub>レ</sub>超<sub>レ</sub>新<sub>レ</sub>應<sub>レ</sub>彼<sub>レ</sub>應<sub>レ</sub>是<sub>レ</sub>典<sub>レ</sub>座<sub>レ</sub>房<sub>レ</sub>監<sub>レ</sub>院<sub>レ</sub>房<sub>レ</sub>鉢<sub>レ</sub>裡<sub>レ</sub>飯<sub>レ</sub>  
桶<sub>レ</sub>裡<sub>レ</sub>水<sub>レ</sub>雖<sub>レ</sub>愛<sub>レ</sub>一<sub>レ</sub>念<sub>レ</sub>萬<sub>レ</sub>年<sub>レ</sub>宛<sub>レ</sub>是<sub>レ</sub>三<sub>レ</sub>德<sub>レ</sub>六<sub>レ</sub>味<sub>レ</sub>豈<sub>レ</sub>獨<sub>レ</sub>狹<sub>レ</sub>路<sub>レ</sub>  
之<sub>レ</sub>相<sub>レ</sub>逢<sub>レ</sub>輔<sub>レ</sub>佐<sub>レ</sub>堂<sub>レ</sub>與<sub>レ</sub>之<sub>レ</sub>尊<sub>レ</sub>貴<sub>レ</sub>正<sub>レ</sub>當<sub>レ</sub>恁<sub>レ</sub>麼<sub>レ</sub>時<sub>レ</sub>作<sub>レ</sub>麼<sub>レ</sub>生<sub>レ</sub>是<sub>レ</sub>  
現<sub>レ</sub>成<sub>レ</sub>底<sub>レ</sub>活<sub>レ</sub>計<sub>レ</sub>大<sub>レ</sub>衆<sub>レ</sub>要<sub>レ</sub>躰<sub>レ</sub>悉<sub>レ</sub>麼<sub>レ</sub>良<sub>レ</sub>久<sub>レ</sub>曰<sub>レ</sub>三<sub>レ</sub>春<sub>レ</sub>果<sub>レ</sub>滿<sub>レ</sub>菩<sub>レ</sub>  
提<sub>レ</sub>圓<sub>レ</sub>一<sub>レ</sub>夜<sub>レ</sub>花<sub>レ</sub>開<sub>レ</sub>世<sub>レ</sub>界<sub>レ</sub>起<sub>レ</sub>

上堂內凡外凡也山竹庭栢分聖極聖也春花秋  
月參得禪界無禪分明欲界無欲盡大地無一會  
佛法人大唐國盡是噇酒糟漢說似一物不中不

與萬法為侶何階級之有用那頭作麼  
臘月二十五上堂一年將暮又逢春生滅因緣豈  
煩人拈得干差兼萬別打成一片脫根塵雖然如  
是莫認自己清淨法身  
歲朝上堂宏智禪師歲朝上堂歲朝坐禪等如前  
舉了師良久曰大吉歲朝坐禪衲僧辦道平然人  
人笑面春色佛々鉢盂現前梅詠一曲千峰雪謝  
郎滿意釣魚船參  
上堂大眾夫學道六不容易所以古聖先德參學

于善知識會下粗經二三十年而究辦矣雲岩道  
吾四十年辦道船子和尚在藥山三十年只明得  
箇此事南嶽大惠參學曹谿十五年臨濟在黃  
檗山栽松杉三十年而辦此事然則當山兄弟須  
惜光陰而坐禪辦道者也莫被諸緣牽諸緣若牽  
在塵中俗家空過寸分時光者也舉頭禪指歎息  
而須惜寸陰分陰之空過也是則為惜法身也為  
惜坐禪也初祖西來不務諸行不講經論在少林  
九年但面壁坐禪而已打坐則正法眼藏涅槃妙



心也。嫡々面授親。美密印師資骨髓證契。見傳唯此。一事實餘事。即不是。所以梁武帝問初祖如何。是聖諦第一義。祖曰。廓然無聖。帝曰。對朕者誰。祖曰。不識。只遮不識。無人知得。已經數代。如今大宋現在諸山坐。狴座稱人天師者。未嘗得會。苦哉。苦哉。何況我日本國裡。人有得箇會人乎。汝等諸人要會初祖。不識也。無夫佛祖家裡。本無心性。佛性識性。底道理也。只依風火。因緣和合。而有動轉施為。而愚人認動轉施為。以為識神者也。大眾要會。

這箇道理。麼良久。曰。廓然無聖。不識汝得皮肉骨髓。有人更問如何。教伊三拜依位。

正月初十。上堂舉僧問。授字如何。是第。一。月。授字。曰。孟春猶寒。僧曰。如何。是第。二。月。授字。曰。仲春漸暖。授字。雖恁麼。道第。一。月。第。二。月。之。論。出。于。圓。覺。經。永。平。今。晚。向。雲。水。有。箇。道。處。若。人。問。永。平。如。何。是。第。一。月。向。他。道。粥。足。飯。足。又。有。人。問。如。何。是。第。二。月。向。他。道。草。足。水。足。若。有。人。問。這。箇。道。理。作。麼。生。向。他。道。拈。來。百。草。頭。邊。看。長。養。枝。々。葉。々。春。

上堂身心脫落好參禪猛作功夫鼻孔穿葉識茫茫無本可據非他非自非衆生非因緣雖然如是喫粥為先

上堂曰古佛曰四大各有其性四大各有其相今日永平為雲水亦談四大性相所謂地壁觀為性水洗鉢盂為性火典座將得來為性風臘月扇子為性四大相者地兀兀為相水眼睛為相火三世諸佛說法為相風鼻孔為相且道永平道處與古佛道處是同是異還要委悉麼良久曰鷲倚雪巢

同中有異鳥投黑馬異中有同

上堂生滅無所從來靈雲可笑長於百年之桃核迷悟依其位住春風可悅屬於三陽之寒梅雖然如是青山依舊碧崔嵬

上堂休歇也如大海容百川到這裡無向背放行也似長湖乘疾風來箇裡有內外諸佛不知有狸奴却知有良久曰祖師玄妙訣莫將寸心安

上堂吾佛謂諸弟子曰有四念住是諸人之所依也所謂四念處者觀身是不淨觀受是苦觀心是

無常觀法是無我永平亦有四念處觀身是皮袋  
觀受是鉢盂觀心是墻壁瓦礫觀法是張翁喫酒  
李翁醉大衆永平四念處與古佛四念處是同是  
別若道是同眉鬚墮落若道是別喪身失命  
涅槃會上堂死魔見佛佛魔笑惱乱人天哭未休  
莫惟山僧不笑哭十方諸佛亦低頭這箇是大家  
底衲僧分上又作麼生良久曰究竟盡生參得死放  
行把住逞風流  
上堂學佛法漢先須知佛々祖々之道處不可混

乱外道也兄弟須知無明無暗息聞歸明明聞一  
相善惡一心如是道者皆是外道見若認外道見  
為佛祖道愚於握石而為王者兄弟不見石頭道  
當明中有暗勿以暗相遇當暗中有明勿以明相  
觀要知石頭暴祖道之當明中有暗麼卓拄杖一  
下要知石頭暴祖道之當暗中有明麼卓拄杖一  
下暴祖為甚道勿以暗相遇要明這箇道理麼卓  
拄杖一下暴祖為甚道勿以明相觀要明這箇道  
理麼卓拄杖一下暴祖又道明暗各相對比如前

後步大眾要知前後步麼卓拄杖兩下曰喚前步作後步即不得喚後步作前步即不得作麼生是怎麼道理卓拄杖兩下

上堂記得牛頭未見四祖時百鳥啣花獻見後不啣花永平有一頌啣花百鳥獻牛頭投字當初儀賣油才與不才三十里古今道得進將修

上堂舉大證國師一日喚侍者侍者應諾如是三召皆應諾國師曰將謂吾孤負汝却是汝孤負吾師曰國師三度喚侍者三回應佛魔一等辨來端

狗子趙州無佛性吾孤負汝不為萬法為侶汝孤負吾將謂胡鬚赤更有赤鬚胡雖然怎麼更要委悉南陽國師落處麼良久曰百千獅子吼何怕天上人間老野狐

上堂諸法因緣生是法說因緣是法緣及盡太師如是說參這箇道理又作麼生若阿濕鞞聞而命根斷絕舍利弗聞而面目裂開也是佛祖屋裡尋常茶飯若是佛祖兒孫就毗盧頂門建寶王剎當洞山向上轉大法輪始得且道作麼生是轉大法

輪遊拈起拂子曰直饒轉得未免永平拂子  
上堂獨存無倚脫落全真混然明歷々於萬象之  
中卓尔活鱗々於不疑之地如月印水是流而非  
流如風行空是動而非動恁麼委悉得去陋巷不  
騎金色馬回途却著破爛衫

上堂眼睛不是根真箇木樵子桃花不是色臨濟  
赤肉團識不是知覺靈山曾瞬目心不能思量少  
林得付隨為甚麼如斯還要委悉麼良久曰春雨  
春風春草木黃鶯蚯蚓及蝦蟇不能疑著永平道

何必靈雲見桃花

上堂先師示衆曰參禪者身心脫落也太衆還要  
委悉恁麼道理麼良久曰端坐身心脫落祖師鼻  
孔空花正傳壁觀三昧後代兒孫說邪

上堂佛々祖々正傳正法唯打坐而已先師天童  
示衆曰汝等知大梅法常禪師參江西馬大師因  
緣也不他問馬祖如何是佛祖曰即心即佛便禮  
辭入梅山絕頂食松花衣荷葉日夜坐禪而過一  
生將三十年不被王臣知不赴檀那請乃佛道之

勝躅也。測知坐禪是悟來之儀也。悟者只管坐禪而已。當山始有僧堂。是日本國始聞之。始見之。始入之。始而坐之。學佛道人之幸運也。後有僧向大梅道和尚見馬大師得何道理。便住此山。大梅道馬祖向我道。即心即佛。僧曰。馬祖佛法近日又別。大梅云。作麼生。別僧云。近日道。非心非佛。大梅道。這老漢惑亂人。味有了期在。任他非心非佛。我祇管即心即佛。僧舉似祖。祖曰。梅子熟也。然則明得。即心即佛。底人。抱捨人間。深入山谷。晝夜坐禪。

而已。當山兄弟直須專一坐禪。莫虛度光陰。人命無常。更待何時。祈禱祈禱。大眾要會。即心即佛。底道理也。無良久曰。即心即佛。甚難會。心者。牆壁瓦礫。佛者。泥團土塊。江西道來。拖泥帶水。大梅悟來。依草附木。即心即佛。在什麼處。喝。

浴佛上堂。宏智浴佛上堂。清徹性空。水等師如。前舉了。乃曰。教催二龍。各運水。摩耶灌沐。誕生身如。拖毳率天。諸樂似深。人間界。六塵把定。泥團曾作。佛撈來。水月認為神。大悲願海。無涯岸。濟度衆生。

脫苦津，取末後身真。其始唯我獨尊，實其因好時。  
節老不老，斷癡斷貪，斷瞋增長。靈山木杓，力衲僧。  
窟裡出頭，人諸仁者，只如杓柄在。你手裡時，作麼  
生下，人上人，智。  
上堂鈍使利，使即心。即佛通身，遍身何物無物有。  
問：如何劈面一拂。  
結夏上堂。宏智結夏上堂，凡聖通同。等師如前舉。  
了乃曰：宏智古佛，雖與如來合。永平兒孫，還與宏  
智古佛合。還相委悉，得這箇道理。麼良久，曰：雲水

安居共作家，豈拈凡聖。定生涯，衲僧鼻孔一穿去。  
向夏更香，五葉花一分。飯著干魔王，波旬教脫落。  
安身立命之所，再三撈撻。干蝦蟆海月，教功夫跳。  
網着岸之心，十方諸佛集。永平拄杖頭上，而安居。  
永平拄杖於十方諸佛，頂顛而辨道。所以曰：諸佛  
法身入我性，我性同共。如來合，又以大圓覺為我。  
伽藍身心安居平等性，智若能恁麼，更有甚麼事。  
與如來合得。寥々九夏超諸相，兀地無端二十空。  
上堂：古人道，即心即佛。而今會者，以得。雖道即心。

不是五識六識八識九識及心教法等也又不是  
悉多汗栗馱矣栗陀等也除此外有何心而得作  
即心不是慮知念覺知見解會靈々知昭々了等  
也到恁麼田地阿誰會得即心即佛馬祖下有八  
十餘頁善知識只有湖南東寺如會禪師會得即  
心即佛底道理為甚如斯道自大家去世師常患  
門徒以即心即佛之譚誦憶不已且謂佛於何住  
而曰即心心如畫師而云即佛遂示衆曰心不是  
佛智不是道斂去久矣今方刻舟時號東寺為禪

窟焉即心即佛底道理其如斯也不得錯乱千萬  
千萬

四月二十五日上堂圓悟禪師舉曰結夏得十一  
日茅師如前舉了云結夏得十一日也日頭早晚  
若明得日頭早晚即透得燈籠露柱若透得燈籠  
露柱即識水牯牛若識得水牯牛即見寒山子忽  
若擬識永平在徐行住坐卧着衣喫飯處

五月初一上堂牛皮靴露柱露柱叫喚々人從橋  
上過橋流水不流古德雖恁麼道今人還會麼



予身心脫落無明業識拳頭山家五月降梅雨天下如今新菱秋

端午上堂宏智端午上堂五月五日等師如前舉了良久曰五月五日天中節遍言文殊儀俗流拈來一莖丈六草叢得為山水牯牛上堂正法眼藏涅槃妙心雖是佛々之所護念不教佛法之所汚染雖教羅漢正傳不墮聲聞法雖教凡夫正傳不墮衆生法若不如斯豈到今日為甚如斯大衆要委悉這箇閑換字也無良久曰三

更月落夜巢寒瓊林不宿千年鶴

上堂舉竺尚書問長沙蚯蚓斬為兩段未審佛性在阿那箇頭沙曰莫妄想書曰爭奈動何沙曰只為風火未散乃至癡人喚作本來人師乃云無始劫來生死本癡人喚作本來人途中顛倒更流布大地山河清淨身

上堂曰明々百草頭明々祖師意於他未掌一於自未掌異若只這便是當頭觸諱若祇遮不是甚處藏避所以道無是無非不即不離三世如來同

宣此義一切祖師俱傳斯妙敢問大衆且道畢竟  
是什麼義良久曰一枝鉄笛縱橫吹不是知音莫  
與聽  
上堂記得僧問趙州狗子還有佛性也無州曰無  
僧曰一切衆生皆有佛性狗子為什麼無州曰為  
伊有業識在師曰趙州怎麼為人雖家親切永平  
若有入問狗子還有佛性也無向他道道有道無  
二俱是謗若他更問如何山僧和聲便棒  
上堂舉僧問趙州世界未有早有此性世界壞時

此性不壞如何是不壞性州曰四大五陰僧曰此  
猶是壞底如何是不壞性州曰四大五陰師曰趙  
州古佛雖怎麼道永平老僧亦有道處或有入問  
世界未有早有此性世界壞時此性不壞如何是  
不壞性向他道牆壁瓦礫他若道此猶是造作底  
壞底如何是不壞性只向伊道牆壁瓦礫  
上堂正法眼藏超明越闇衲僧鼻孔孤悟負迷所  
以道破鏡不重照落花難上枝為甚怎麼大衆還  
要委悉麼良久曰佛子住此地即是佛受用常在

於其中經行及坐卧  
上堂外不放八内不放出霹靂一拳萬事了畢雖  
然如是無二無二分無斷摩訶般若波羅密  
上堂直指人心天地懸隔見性成佛毫釐有差黃  
檠吐舌頭未覆三千界青原垂一足躡龍大虛空  
為甚怎麼大衆還要委悉遮箇道理也無良久曰  
微笑破頑猶未休  
上堂如來禪祖師禪往古不傳今妄傳迷執虛名  
何百歲可憐末世劣因緣

請書記上堂佛々授手祖々寫瓊結緣於雲水下  
種於叢林正當恁麼時須於山為筆大海水為墨  
既用遮箇寫箇什麼書箇什麼什麼大衆要委悉麼寫  
箇如法應修行非法不應行今世若後世行法者  
安穩恁麼寫了作麼生通箇消息良久曰三拜依  
往而立  
上堂大衆要聽參禪者身心脫落也祇管打坐之  
道理麼良久曰心不能緣思不能議直須退步荷  
擔切忌當頭觸諱風月寒清古渡頭夜船撥轉瑠

瑠地

上堂參禪求佛莫圖佛圖禪參禪佛轉踈搏解鏡  
消何面目終知到此用功夫  
上堂舉趙州古佛住觀音院上堂示衆曰如明珠  
在掌胡來漢現老僧把一枝草為丈六金身用把  
丈六金身為一枝草用佛是煩惱煩惱是佛時有  
僧問未審佛是誰家煩惱州曰與一切人煩惱僧  
曰如何免得州曰用免作麼師曰趙州古佛雖恁  
麼道永平亦有少許道處大衆要聽麼忽有人問

未審佛是誰家煩惱向他道若一枝草與一枝草  
煩惱若丈六金身與丈六金身煩惱他若道如何  
免得祇對他道要免即免

上堂明々百草拈來用養得水牛頭角生頭角到  
時牛直到南泉為嶠得春耕且道大衆得春耕時  
底有什麼消息還會麼良久曰種田博飯家常事  
明月清風富一生

解夏上堂曰宏智禪師住天童時解夏上堂曰十  
五日已前頭上不著七寶冠十五日已後脚下

斷五色線頭上不著七寶冠正坐不見坐脚下掣  
斷五色線正去不見去正當十五日覷破兩頭直  
得君臣道合父子氣和琉璃殿上玉女搖頭明月  
掌前有人撫掌退一步也萬仞崖前撒手進一步  
也百尺竿頭轉身生滅去來動靜出沒只在箇時  
許多機要放行把住拖在我儂且道正恁麼時加  
何迷會麼先行不到猶迷已未後總過又借功師  
曰這箇是宏智古佛解夏底句永平聊有同聲相  
應底句大眾要聽麼良久曰從來汗馬無人識只

要重論蓋代功這箇是與宏智古佛同聲相應底  
句法歲周圍底句又作麼生良久曰誰說三十年  
後事無量億劫無窮

天童忌齊上堂曰今日燒香先師古佛不知鼻孔  
現在何方五千里海嶽悲淚二十年來幾斷腸  
上堂佛々祖々坐禪不是動靜不是修證不拘身  
心不待迷悟不空諸緣不繫諸界豈貴色受想行  
識耶學道不用受想行識若行受想行識即是受  
想行識非學道也既是恁麼如何用心良久曰生

死事大無常迅速

中秋上堂舉宏智古佛曾住天童中秋上堂曰清涼境界一壺爽氣涵秋明白身心半夜霽容懷月靈然自照廓尔常虛斷生滅之因緣出有無之情量諸人還到如是田地還能如是游踐也無良久曰折盡月中桂清光應更幾師曰諸人還要禮拜宏智古佛麼堅起拂子曰既得宏智古佛出世受諸人禮拜更聽宏智古佛說底法麼良久曰爨祖雲岩第幾月因何忽作蒲團來

上堂磨磚以作鏡則身非四大堂々巍々而如存磨鏡以得針則心非五衆明々々々而絕對所以一切色不礙眼一切聲不塞耳一切應不繫身一切事不惑心奪境也如馱馱馱馱奪人也如井觀井畢竟如何嘶風木馬解縶山吼月泥牛能入海

永平寺語錄卷第四終



